

DEO OPT. MAX. VNI ET TRINO, VIRGINI DEIPARÆ, ET SANCTO LVCE ORTHODOXORVM MEDICORVM PATRONO.

QVÆSTIO MEDICA
QVODLIBETARIIS DISPVATIONIBVS MANE DISCVTIENDA
IN SCHOLIS MEDICORVM, DIE IOVIS XXVI. NOVEMBRIS
M. FRANCISCO GVENAVT, Doctore Medico, Præsede.

Estne Cerebrum Corde nobilius?

1027

Vitam Plantis, ita Sensum Animalibus Natura concessit, singulis benigna Mater, nulli nouerca, ut quicquid vnique tutando ac fouendo necessarium erat, abundè & cumulatè largita sit. Hæc Æternæ Sapientiæ Ars est, & promptuarium è quo emanaturæ virtutes omnes in res creatas depromit. Hæc in vastam Mundi molem effusa, eam intus agitat & mouet, tam in minimis miranda, quàm in maximis, in singulis tota, in nullis exhausta; sed nullibi magis suspicienda, quàm in sentiendi eximio illo munere, quod liberaliter indulsit Animantibus. Quorum corpus etsi continuæ cuius functiones sunt præstantissimæ.

PARTEM beat, ac perficit actio, ad quam tanquàm ad finem, naturali fertur impetu; hæc pendet à facultate, ut facultas ab ipsâmet Animæ essentiâ: cuius præcipuum instrumentum, Æthereus est ille calor, qui nec ignis, nec ab igne trahit originem; sed spiritus est in seminis spumosa portione coercitus cuius *φύσις ἀνάλογος τῷ ἡδύ ἀέριον τοῦ αἵματος*, genituræ ab omnibus membris decidua, illa instrumentorum supellex exurgit; quorum paucissima, nobilitate cæteris antestant, quamplurima infimæ ac vilioris fortis ignobilitate habentur: quæ tamen in eo maximè conueniunt, quod simul omnia conformentur, licet dispari tempore singula perficiantur.

PRINCIPATV non vnico, sed triplici reguntur Animalium corpora, Hepate, Corde, & Cerebro: quorum, etsi diuersæ sint gestiones, tantus tamen horum est concentus, tamque concors, in commune totius corporis commodum, conspiratio, ut mutuis carere nequeant auxilijs, & vno corruente, reliqua pariter intercident. Hepar sanguinis non modò *ἡπαρ τοῦ αἵματος* atque fons gratiofi humoris, quem in vniuersum corpus effundit; sed & primus *ἀρχὴ πύκνωσης* author, spiritulque naturalis effector, quod dum cætera corporis membra suauis illo nectare affatim reficit, omnium vires ac robur instaurat. Cor facultatis vitalis sedes, Solis instar, perenni suo motu & influxu, vniuersi corporis vim quasi sopitam ac torpescentem erigit ad opus, atque insitum cuiusque partis calorem, fugacemque viuacitatem indefinenter fouet ac recreat. At Cerebrum Animalium omnium facultatum domicilium, actiones multò nobiliores edit. Ecquid enim habent Animalia motus & sensuum functionibus, aut cogitandi discurrendive munere sublimius? horum ope noxia & aduersa à salutaribus & iucundis dijudicant, hæc prosequuntur, illa refugiant.

EQVIDEM vita frui pulchrum; ast moueri, sentire, & Ratiocinari longè nobilius: id quod ipsis Brutis non denegatum. Cur enim virtus illa eorum Imaginationi non concederetur, cum eius viribus haud sit impar? Affirmat enim illa, seu vnit species, discurretque, cum nihil aliud discurrendo efficiatur, quàm notionum seu imaginum, quibus duæ propositiones constant, in vnum recollectio & vno, ex vitandis noxijs sagacitatem, in commodis perquirendis solertiam, in persequendis fugendisve hostibus industriam & astutiam, in ope vel exposculandâ vel suppeditandâ diuersam vocis (quæ articulationem) inflexionem, affectuum denique ac secretiorum sensuum sibi inuicem communicationem accuratiùs examinauerit, tam illustre Sapientiæ ac Potentiæ Diuinæ monumentum in dubium reuocabit nunquam, Rationisque capacem Phantasiam, adeoque & Cerebrum haud inficiabitur.

RATIONIS functionum omnium principis & nobilissimæ propria sedes & organum est Cerebrum. Hinc mirabilis eius structura sinubus multis excauata, tot venarum & arteriarum labyrinthis plexibus implicata. Parenchyma molle & sequax excipiendis ac retinendis rerum simulachris, in quæ Anima cognoscendo sese transformat, aptissimum: non Cordis, qui enim illa in membro denso, & tantæ humorum tempestas perpetuò tumultuantur. Dicam compendio, Cerebri gratiâ corpus totum, adeoque & ipsum Cor videtur effectum, ut eius famulatu & operâ vteretur nobilis illa pars, in spiritus & sanguinis vitalis exquisitâ coctione, ad vsum præstantissimarum Cerebri actionum instituta.

Ergo Cerebrum Corde nobilius.

DOMINI DOCTORES DISPVATVRI.

M. Petrus Bourdelor.

M. Carolus le Breton.

M. Claudius Perraut.

M. Tussanus Fontaine.

M. Franciscus Pajot.

M. Florimondus Langlois.

M. Carolus le Clerc.

M. Ioannes Bourgeois.

M. Franciscus Guenaut Præses.



Proponebat Lutetia FRANCISCVS DE LA CHAMBRE Senomanus, A. R. S. H. M. DC. LIV.